



Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

Sermo III. Bases Columnarum Fortitudinis & Constantiæ. Exordium. Crura
illius Columnæ marmoreæ, quæ fundatæ sunt super Bases aureas. Cant.
V. 15.

[urn:nbn:de:hbz:466:1-46065](#)

dum est, ut monent, cum S. Thoma, Theologi. (a) Quod spectat illud ex Oratione dominica: Ne nos inducas in tentationem: id est, fundas in nobis Columnam Fortitudinis & Perseverantiae. Quod quotidie jubemus orate. Et si id firma fide ac spe faciamus, impetrabimus. Verè enim scripsit Augustin. lib. de bono perseverantie cap. xvii, Restat in his bonis usque ad finem perseverantia, quae frustra à Dño quotidie poscitur, si non eam Dominus pergitiam suam in illo, cuius orationem exaudit operatur. Nimirum, Fons Iustitiae est COLUMNA, quæ non nisi supremi Architecti opera potest fieri & stabilitati.

(a) S. Thom. I. 2. q. 114. art. 9 ad 1.

S E R M O III.

BASES COLVMNARVM

Fortitudo & Constantia.

*Crura illius Columnæ marmoreæ, quæ fundatæ sunt
super Bases aureas. Cantic. v. 15.*

EXORDIUM.

COLUMNAS has in Domo Sapientiae, seu Ædificio spirituum virtutum, quæ Columnæ habent se, ut Crura Corporis mystici, ex Virtutibus, velut membris compositi, diximus, probamusque esse Fortitudinem & Constantiam, seu Perseverantiam. Columnas marmoreas & æreas: Columnas lachin, & Bocca rectitudinis & roboris: Columnas rotundas, cavae, striatas, sufflatae,

Colum-

Colūnas altissimas, crassissimas, firmissimas. Quare Bāses quibus
innitūtur habet haud dubiè proportionē sibi respondentēs. Sed de iis
nō videtur esse una Architecturæ & spiritualis Magistrorum sentētia.

ARTICULUS I.

B A S I S

Fortitudinis & Constantiae

D e u s

FTA sensisse videtur magnanimus Rex David,
qui singulari D E I munere fusas in animæ suæ
fundo Columnas illas, tanquam Ædificii spi-
ritualis fulcta conservabat, & frequenter
tespiciebat. Illius, ut quorumlibet fortium sunt illa can-
tica. In D E O speravi: non timebo quid faciat mihi caro. Psalmus
LV. Dominus protector vitæ meæ, à quo trepidabo? Si consistunt
adversum me castra, non timebit cor meum, Psal. XXVI. Fortitu-
dinem meam ad Te custodiā, quia susceptor meus es; Psal. LVIII.
Accinit Isaias Propheta in Cantico laudis, & gratiarum
actionis, pro liberatione & beneficiis Servatoris, quod
est capite duodecimo. Ecce D E U S Salvator meus, fiducia-
luer agam, & non timebo: quia Fortitudo mea, nempe, in quo
est, tanquam in Basi, fortitudo mea, & laus mea Dominus:
& factus est mihi in salutem.

IDE M frequenter inculcat S. August. Et quidem Con-
cione in Ps. XXXII. Spes tua D E U S sit, inquit, Fortitudo tua
Deus sit: Firmitas tua, id est, Basis, cui insistat Columna
Fortitudinis & Perseveratiæ, Deus sit: exoratio tua ipse sit:
laus tua ipse sit: finis, in quo requiescas ipse sit: adjutorium, cùm
laboras, ipse sit. Et in illa verba Psal. CXVII. Fortitudo mea &
laus

laus mea Dominus, & factus est mihi in salutem, probat, qui
Bāsim istam firmiter collocarit, illi non esse metuendum,
ne Columna unquam vacillet, & multo minus, ne con-
cidat. Cujus, ait, laudatio, & Fortitudo est Dominus, tam non
cadit, quam non cadit Dominus: & ideo eis factus est in salutem.
Ob eandem caussam, & demonstrat S. Ambrosius, nun-
quam inclinata fuit Columna Fortitudinis in Rege Da-
vid, viro fortissimo, quia Deum ut Basim, supposuerat,
David, inquit, nunquam nisi consulto Domino, bellum adorfu-
ideò in omnibus vīctor præliis, usque ad summam senectam manu
promptus, bellicosis misceratur agminibus, glorie cupidus, inhu-
riosus Salutis.

ARTICVLVS II.

B A S I S
Fortitudinis & Constantiae
P R O V I S I O

Q uo nomine designo Sapientiam, Prudentiam, Consi-
lium, Rationis rectæ judicium, & quæ hisce sunt affinia
sine his enim facillimè contingit, ut Fortitudinis Co-
lumna ruat. Id insinuat S. Gregoriūs homilia xix. in Eze-
chiel. ubi scribit: Sepe Fortitudo si improvida fuerit; & mi-
nus circa vitia circumspecta, ipsa sui præsumptione in casum ruit.
Ascendat ergo ad consilium. Sed esse consilium non potest, si Intel-
lēctus desit. Et lib. secundo Moralium cap. 25. Cetera virtute
ni si ea, quæ appetunt, prudenter agant, virtutes esse nequaquam
possunt. Consentit Clemens Alexandrinus, qui lib. VII.
Stromat. ita differit. Nullus citra rationem fortis est cognitione
præditus: quia alioqui pueros, qui formidabilia sustinent, proper-
eorum quæ sunt gravia ignorationem, & feras, quæ in haf-
incurrent,

at, qui
endum,
ne con-
tam non
salutem.
is, nun-
ge Da-
suerat,
adorsus
m manu-
s, mch-
incurrent, virtute præditas possemus dicere. Deinde subi-
cit, Martyres pro fide Christianâ verè fortis fuisse. Tum quia secundum rectam rationem se compo-
sue-
runt. Tum quia cùm Deus vocaret, prompto & alacri
animo se tradiderunt, nullumque alium scopum, nisi ut
Deo placerent, sibi proponebant. Quid quod Aristote-
les in Ethicis lib. 3, cap. 1. Fortem vocat, qui pro dignitate,
ut ipsa ratio jubet, tam patitur, quam agit?

ARTICULUS III.

BASIS

Fortitudinis & Constantiae

TIMOR DOMINI.

NON desunt è primis disciplinæ spiritualis Doctori-
bus, qui nominare videntur utriusque illius Co-
lumnæ Basim, Timorem Domini. Certè, D. Ambrosius
Sermone V. in Psal. cxviii. ubi Crura Sponsi exponit, &
interpretatur esse præcipua doctrinæ Christianæ fulcra;
Columnas autem Ecclesiæ ejus, fotissimos Principes
Apostolos, Bases verò sanctum Dei Timorem, in quo fun-
dati illi erant. Quod fuerint Columnæ habetur testi-
monio Pauli, qui Petrum, Joannem, Jacobum nominat
Columnas, scribens ad Galatas cap. 2. Et idem titulus
convenit viris Apostolicis, ac vitæ spiritualis sectatori-
bus, qui sunt Marmoreæ, aut Aeneæ, propter firmitatem in
benè cæptis; Erectæ, per intentionem; Altae per contem-
plationem; Striatæ per mortificationem; Excavatae, per
humilitatem. Quicumq; hoc seculum vicerit, eum fieri

Tertia Pars

Gg

Colum-

Columnam DEI ne dubites, quam confirmat, qui dicit:
*Ego confirmavi Columnas ejus Psal. cx. Basim autem auream
 esse Timorem disciplinæ, qui initium est Sapientia fati
 insinuat Psalmista & eleganter, ac ingeniosè demon-
 strat ibidem S. Ambrosius. Cui mirificè consentit*

GREGORIUS Papa, qui lib. iv. Moral. cap. XIII. ubi
 hoc ipsum dogma expendit, profert objectionem, quia
 argutulus aliquis formare posset: *Quomodo Timor in
 Basis Fortitudinis, cùm eā attractu suo vitiet, immo, peni-
 tus deiijciat? Quis enim rā est studis in Ethices disciplina,
 ut nesciat, Timorē, seu Timiditatē, esse oppositū vitiū
 Fortitudini? & officiū fortitudinis esse reprimere timo-
 rē? Audiatur sanctissimus Pontifex, dū exponit acremil-
 lam exprobrationē, qua Jobum Eliphaz invadebat. *Vt
 est Timor tuus, Fortitudo tua, Patientia tua, & Perfectio
 viarum tuarum. Job 1v.6. Quattuor, inquit, gradibus vita-
 B. Job, virtutes enumerando distinxit, dum & Timori Fortitudinē,
 & Fortitudini Patientiā, & Patientiæ Perfectionem junxit. In
 via etenim Dei à Timore incipitur, ut ad Fortitudinem veniatur.
 Nam sicut in via seculi, Audacia Fortitudinem; ita in via Dei,
 Audacia Debilitatem parit. Et sicut in via seculi, Timor Debilita-
 tem; ita in via Dei, Timor Fortitudinem gignit, Salomone atti-
 stante, qui ait: Proverb. XIV. In Timore Domini fiduci
 Fortitudinis. Tum quippe, Timori Domini inesse fiducia Forti-
 tudinis dicitur; quia mens nostra tanto valentius terrores rerum
 temporalium despicit, quantum se auctori earundem veracius per-
 formidinem subdit. Quae in Timore Domini constitutanon inven-
 nit extra quod metuat: quia dum recto metu Conditori omnium
 jungitur, potestate quadam supra omnia sublevatur.**

SAPIENTER Gregorius & Theologicè. Si quis ta-
 men Architecturæ morali intentus quattuor illas vir-
 tutes perpenderet, & Timori Fortitudinem, Fortitudini
 Patientiam, Patientiæ Perfectionem junctam animad-
 verteret,

verteret, concipere posset Columnam Domus Sapientiae coronatam, cuius Basis sit Timor Scapus Fortitudo, Epistylum Patientia, Corona Perfectio. Aliam vero, praeter dictas, *Basim* nominat D. Gregorius Nyssenus, Commentario in Cantica, qui *Basim auream* Columnarum marmorearum, Fidem esse dicit, cui, tanquam fundamento, innitantur.

ARTICVLVS IV.

B A S E S IV.

Fortitudinis & Constantiae.

SENTENTIARUM ista diversitas Architectonica una speculatione optimè conciliabitur. Observandum igitur ex Architectura vulgari, quod habet Vitruvius, lib. 3. cap. 3. & clarius explicat ejus Commentator Gulielmus Philander: Fundamentis Domus ad areæ planitatem coæquatis, ad Columnam deinde erigendam primum superstrui debere *Murulum*, quem *Pulumar* vocant quidam, alii *Abacum*. Hæc est prima Basis, quadra quasi lamina, Columnæ subiecta, sessioni habilis. Huic superponitur alia, quæ Græcis dicitur *ευλοβάτης*, & Columnæ quoque substernitur pro fulcimento. Stylobatae imponitur *Spira*, torques teretior. Itaque antequam corpus Columnæ erigatur, quattuor fulcra consideranda sunt. Primum infra terram totius, ad planitatem areæ perductus. Secundum, murulus quadratus. Tertium, arula altior. Quartum, torques aut *Spira* multiplex.

G g 2

QVI

Philan. Digressio de Columnationum, & habitationis ratione unius.

Qui ergo DEUM nominant Columnarum, Fortitudinis & Perseverantiae, Basim, respiciunt infimam, cui non solum Columnae, sed & reliqua fulcra innixa sunt. DEUM autem dum appellat, ipsius Protectionem, Gratiāque intelligunt, bonorum omnium Basim firmam. Quare S. Augustinus Fortitudinem ait fundat in DEO, & quicumque sunt fortes, id est, Columnae, habere pro fundamento DEUM. Sic enim scribit ad Fratres in eremo. *Est & alia Fortitudo, qua boni quotidie curusque ad mortem. Tales sunt fundati in DEO: & ideo nec veri, nec impiorum verbera timent. Jam vero, Divinæ Protectione seu Gratiæ, tanquam primo fulcimento, imponitur Tempor Domini: & hæc est Basis secunda, quæ substernitur Murulus, providæ Sapientiae, sive ea vocetur Prudentia, sive consilium rectum, sive rationis fide illustratum, ut superius diximus: nam illorum omnium Tempor Domini est initium, quatenus est principium Sapientiae. Sunt ergo ista, per modum unius tertia Basis, in Columna marmorea, Arula illa altior, antea designata. Denique imponitur ei suprema Basis, veluti Tiques, sive Spira, & est Fides, Christiana; Catholica, Vir-*

FIRMATIS hunc in modum Basibus adsurgit perpendiculariter Scapus, id est, corpus rectum Columnæ utriusque, nimirum Fortitudo & Perseverantia, in Constantia; utriusque partes, formam, figuramque in prioribus delineavimus. Monemus autem pro complemento, considerandam in qualibet esse altitudine illam octodecim cubitorum, qua significari mystice diximus, extendi debere, tam unam quam alteram, ad fidem tantum, sed etiam ad opera. Contrà quam multis animadvertisit, qui Columnam Constantiam erigunt, sed absque justa altitudine, quare non est, quia ea deberet esse decor, quia non est Symmetria, Mal-

fortes
vanè &
tinet
te, &
contra
Sed fi
ut fide
dunt. S
lascivi
confite
in fide
quām e
tiæ:nat
design
monstr

Colum

Illo
Sapie
Archite
luminis

for

fortes sunt in fide, quam aliqui ore jactant, utinam non
 vanè & medaciter: firmiter eandem animo conceptam
 retinent plurimi, vellentensem potius & ignes sustine-
 te, & in minutal concidi, quam fidem deserere, aut ei
 contrarium quidpiam, per infidelitatem committere.
 Sed fidei consentaneos mores non induunt, non viuūt,
 ut fides præscribit, manus ad operandum non exten-
 dunt. Sunt superbi, avari, leves, iracundi: inebriantur,
 lasciviant, blasphemant, peierant: Deum ore, & corde
 confitentur, factis negant. Hi fortes, constantesq; sunt
 in fide, non in bonis operibus: non est in iis tam alta,
 quam deberet esse Columna Fortitudinis & Constan-
 tiae: nam non attingit in cubitos xviii. quem numerum
 designare mysterium, quod exposuimus, superius est de-
 monstratum.

SERMO IV.

COMPARATIO

*Columnarum Domus Sapientiae cum celeberrimis
 totius Orbis terrarum Columnis.*

PRÆFATIO.

ILLUSTRABITUR magis tota Columnarū istarum in Domus
 Sapientiae fabrica, & usus, si cum variis, que celebrari solent ab
 Architecturæ, & antiquitatis peritis, diversorum artificum Co-
 lumnis eas comparaverimus. quod nunc facere aggredimur.